

圖 5

7<2.

瞿
仁
伯
琉
球
百
問

語
錄

琉
球
百
問



樂山先生著

琉球百問

汪寶臣題



南京中医药大学图书馆版权所有

國朝嘉道間以醫名吳下者推
曹氏仁伯先生先生生常熟居
蘇垣以儒生通醫術不泥成法
不執成方變化從心神明矩矱
以故從遊者如雲而名馳於域外
生平述作最著者曰琉球百問

昔內經設君臣問答以明經絡藏
府治療之原汪機作鍼灸問對
以發靈素難經甲乙經之義方
有執著條辨或問等書為南
昌喻氏所私湫是皆原本經訓
體例相同方之此書後先媲美

矣琉球東海小國耳其臣呂鳳
儀於道光丁亥年奉使來華
道出吳郡謁見先生請業請益
執弟子禮甚恭觀其所列百問
剖析毫芒非博通斯理者惡能
及此哉而先生隨證疏明窮源



竟委或治本經而先及他經或
論此證而無通彼證發揮則層
出不窮精約則片言可了學者
深思而會通之洵足為證治之
津梁宜乎呂君佩服弗諼逾五
稔而復貽書進質也夫東醫西

鑑一書所載證方至詳且備中國相傳經方之外別有所謂海上方者其原亦出神農本草說者謂岐黃之學流播海外由來已久勤思好善之士如呂君者今古不乏其人而吾吳名醫自

薛立齋吳又可王中陽繆希雍
諸人倡於前國朝以來若尤在
汪張石頑徐洵溪葉天士皆卓
有聲顯名當世先生上接羣聖
下集衆長豈特瀛島所欽仰抑
六華夏羣相尊信也先生詰嗣

一如學博能傳其業咸豐初以
是編授梓人曾粵匪東竄而佚
今先生之孫博泉玉年兩君復
哀集殘簡鋟行之以成先志首
列琉球百問附以語錄登過庭錄
延陵弟子紀略由是先生一生

精力之所存與其學識之所至
可以窺見一斑云

光緒七年歲次辛巳秋七月既
望古虞姻世愚姪楊泗孫拜序





咸豐九年歲在屠維
協洽孟冬月既望摹



曹君樂山家傳

同里許廷誥撰

昔者吾先君子友教垂六十年自里門以及四遠而至於海外門下著籍無慮什伯人而曹君樂山特以醫名盛於時樂山之於醫也法三應驗十全遠近莫不稱能無論方舟連騎曳裾疊跡望衡投止日嘗不暇給至使島夷之君長梯航效貢取道胥江雁臣銜書幣肅起居條件百病謙謹致問嗚呼何收名若是其遠且重也夫然傳樂山者宜



南京中醫藥大學圖書館版權所有
1964

言醫顧余交樂山久知其醫之外可傳實多爰詮
次翔實授諸孤文瀾藏於家按君諱存心字仁伯
樂山乃別字常熟福山人祖裕德本高氏康熙中
曹公子民其母舅也無子繼爲後遂承曹姓父振
業卽愚溪封君有陰德事見韓司寇所著家傳中
子男四君爲長數歲就外傳動止循規矩封君性
嚴居貧家無臧獲若汲井滌場諸勞苦咸役使諸
子稍拂意卽遭譴訶君敬凜無違怠封君夫婦春
秋高食指日繁重力難支憂形於色君承顏心忡

忡矢攻苦奪命博一衿娛親心又念一衿不足支
門戶乃襍被走吳閫受業於薛先生性天惟時衣
履之樸陋囊橐之空虛見者多匿笑獨先生具大
倫鑑一見賞識語人曰曹生非終窶人也異日光
吾道者必曹生飲食之陰護持之下榻位置焉君
感奮愈自涿摩盡發先生所藏靈蘭諸秘笈幃燈
燐掌常臥不寬帶積十稔而業大成封君樂其藝
之成也來就養見一堂之中叅錯雜沓坐者臥者
偃僂者有起行盤辟躑躅投地而手膜拜者封君曰



嘻技至此耶微先生不及此後先生卒君經紀其
喪遺書付於梓君雖發聞成業乎然自奉儉約食
不重味衣不襲華襟懷灑脫談吐無俗韻遇貴盛
無翕翕熱爲子擇師必名儒碩彥布交寒素緩急
時有親故待以舉炊者不可一二數所親有婢嫁
及期而約未如限主婦利其手技不聽贖君知焉
代償其券遣還之絕不令女父兄知惠之出於己
也厚施不責報古人以爲難況不欲其知焉者乎
初寓寶如園後卜居長春巷與元配陳碩人睽居

者十年至是攜子女偕來入室當是時天倫聚順
樂意一庭政由中饋而外無閒言無何碩人卒封
君晚病偏廢念念不忘釣游還居北街老屋卑隘
君斥舊更新之季弟榮療瘍招來同居以其能辨
物味識佐使爲封君具辦藥裹仲叔兩弟侍於家
足力往返福山凡乾餠脯脩之屬日繼時至如親
視膳逮封君沒以北街屋與弟而已不復有先是
東灣有屋數椽封君賃居久心欲得之主者居奇
封君卒後主者高懸其值屬意君人有尼之者君